

## ԳՈՐԾԱԴԻՐ

### ԿԱՌԱՎԱՐՈՒԹՅԱՆ ՆՈՐ ԿԱԶՄՆ ՈՒ ԳՈՐԾՈՒՆԵՈՒԹՅԱՆ ԾՐԱԳԻՐԸ ՆԵՐԿԱՅԱՑՎԵՑ ԽՈՐՀՐԴԱՐԱՆԻ ՀԱՍՏԱՏՄԱՆ



Նոյեմբերի 19-ին, Վրաստանի նախագահ Գիորգի Մարգվելաշվիլին հաստատեց «Վրացական երազանք» կուսակցության կողմից վարչապետի պաշտոնի համար առաջադրված Գիորգի Կվիրիկաշվիլու թեկնածությունը:

Կարգադրության մեջ նշված է, որ Վրաստանի Սահմանադրության 80-րդ հոդվածի երկրորդ կետի համաձայն՝ երկրի վարչապետի պաշտոնում ներկայացվում է Գիորգի Կվիրիկաշվիլու թեկնա-

ծությունը, որն առաջադրվել է, 2016 թվականի խորհրդարանական ընտրություններում լավագույն արդյունքը գրանցած, «Վրացական երազանք» քաղաքական միավորման կողմից:

Նոյեմբերի 22-ին, Վրաստանի վարչապետի թեկնածու Գիորգի Կվիրիկաշվիլին հասարակայնությանը ներկայացրեց Նախարարների կաբինետի անդամներին:

«Որպես ապագա կառավարության նախագահ, իմ գլխավոր խնդիրն առկա ժողովրդավարական միջավայրի, անվտանգ

(Շարունակությունը՝ 4-րդ էջում)

## ԽՈՐՀՐԴԱՐԱՆ

### ՕՐԵՆՍԴԻՐ ՄԱՐՄՆԻ ՂԵԿԱՎԱՐ ԿԱԶՄԻ ԶԵՎԱՎՈՐՈՒՄՆ ԱՎԱՐՏՎԵՑ



Նորընտիր խորհրդարանի անդրամիկ միստին ներկա էին Վրաստանի նախագահ Գիորգի Մարգվելաշվիլին, վարչապետ Գիորգի Կվիրիկաշվիլին, Համայն Վրաստանի Կաթողիկոս-Պատ-

րիարք Իլիա Երկրորդը, Վրաստանի գործադիր իշխանության, երկրում հավատարմագրված դիվանագիտական կառույցների ներկայացուցիչներ:

Օրենսդիր մարմնի կանոնա-

րիչ պետ արդեն հաղորդել ենք, նոյեմբերի 18-ին, Քուբայիսիում, աշխատանքն սկսեց Վրաստանի իններորդ գումարման խորհրդարանը:

Կարգի համաձայն, նորընտիր խորհրդարանի անդրամիկ միստը բացեց Վրաստանի նախագահ Գիորգի Մարգվելաշվիլին:

Ապա, խորհրդարանը ձեռնամուղ եղավ օրենսդիր մարմնի նախագահի, փոխնախագահների, խորհրդարանական կոմիտեների ղեկավարների ընտրությանը:

Գաղտնի քվեարկությամբ պատգամավորները խորհրդա-

(Շարունակությունը՝ 4-րդ էջում)

## ԵՎՐԱԻՆՏԵԳՐՈՒՄ

### ԳԻՈՐԳԻ ԿՎԻՐԻԿԱՇՎԻԼԻ. «ՎՐԱՍՏԱՆԸ ԼՐԻՎՈՒԹՅԱՄԲ ԿԱՏԱՐԵԼ Է ԱՅՅԵԿԱՐԳԻ ԱԶԱՏԱԿԱՆԱՅՄԱՆ ՀԱՐՅՈՎ ՍՏԱՆՁՆԱԾ ՊԱՐՏԱՎՈՐՈՒԹՅՈՒՆՆԵՐԸ»

Նոյեմբերի 22-ին, Թբիլիսիում, աշխատանքն սկսեց «Եվրամիություն-Վրաստան. ասոցիացման խնդիրներ» խորհրդաժողովը, որին մասնակցեցին Վրաստանի վարչապետի պաշտոնակատար Գիորգի Կվիրիկաշվիլին, երկրի գործադիր եւ օրենսդիր մարմինների, Վրաստանում հավատարմագրված դիվանագիտական կորպուսի ներկայացուցիչները, ոչ կառավարական կազմակերպությունների աշխատակիցները:

Ելույթ ունենալով խորհրդաժողովի բացմանը՝ Վրաստանի վարչապետի պաշտոնակատար Գիորգի Կվիրիկաշվիլին հայտարարեց, որ Վրաստա-

նը լրիվությամբ կատարել է՝ այցելարգի ազատականացման հարցով ստանձնած պարտավո-

(Շարունակությունը՝ 2-րդ էջում)

## ՀԱՆԳԻՊՈՒՄ

### ՀԱՏԱԿԵՑՎԵՑԻՆ ԱՌԱՋԻԿԱ ՀԱՄԱԳՈՐԾԱԿՑՈՒԹՅԱՆ ԾՐԱԳՐԵՐԸ



Նոյեմբերի 18-ին, նորընտիր խորհրդարանի անդրամիկ միստի բացումից հետո, Քուբայիսիում տեղի ունեցավ Վրաստանի նախագահ Գիորգի Մարգվելաշվիլու հանդիպումը վարչապետի պաշտոնակատար Գիորգի Կվիրիկաշվիլու եւ խորհրդարանի նորընտիր նախագահ Իրակլի Կոբախիձեի հետ:

Երկրի նախագահը Իրակլի

Կոբախիձեին շնորհավորեց խորհրդարանի նախագահ ընտրվելու առթիվ եւ մաղթեց հաջողություններ:

Վրաստանի նախագահի նախաձեռնությամբ կայացած հանդիպման ընդգծվեցին իշխանության տարբեր ճյուղերի միջեւ համագործակցության կարևորությունն ու առաջիկա համագործակցության ծրագրերը:

## ԱԶԳԱՅԻՆ ԱՆՎՏԱՆԳՈՒԹՅԱՆ ԽՈՐՀՐԴԻ ՆԻՍՏ

### ԳԱՐԵԱՆԱՅԻՆ ՉՈՐԱԿՈՉԻ ՎԵՐՍԿՍՈՒՄԸ ՀԱՎԱՆՈՒԹՅԱՆ ԱՐԺԱՆԱՅԱԿ

Նոյեմբերի 21-ին, Վրաստանի նախագահ Գիորգի Մարգվելաշվիլին հրավիրեց Ազգային անվտանգության խորհրդի միստ:

Ն ի ս տ ի օրակարգում ընդգրկված էր հինգ հարց, այդ թվում՝ երկրում պարտադիր զորակոչի վերականգնման հարցը:

Երկրի պաշտպանության կազմակերպման հարցով ելույթ ունեցավ պաշտպանության նախարար Լեւան Իզորիան: Միջազգային խաղաղարարական առավելություններում վրաց զինծառայողների մասնակցության մա-



սին զեկուցեց Վրաստանի զինված ուժերի Գլխավոր շտաբի պետ, գեներալ-մայոր Վախթանգ Կապանաձեն:

(Շարունակությունը՝ 2-րդ էջում)

## ԼՐԱՏՎՈՒԹՅՈՒՆ

### ԼՐԱՏՎԱԿԱՆ ԿԱՍՈՒՐԶ ՎՐԱՍՏԱՆԻ ԳԽՆ-Ի ԵՎ «ԱՐՄԵՆՊՐԵՍ»-Ի ՄԻՋԵՎ

Վրաստանի ԳԽՆ եւ Հայաստանի «Արմենպրես» պետական լրատվական գործակալությունները համագործակցությունը նոր մակարդակի են բարձրացնում:

Երեւանում տեղի ունեցավ Վրաստանի ԳԽՆ լրատվական գործակալության ղեկավար, գլխավոր խմբագիր Թեյմուրազ Չումբուրիձեի գլխավորած, պատվիրակության հանդիպումը «Արմենպրես» լրատվական գործակալության տնօրեն Արամ Անանյանի հետ:

Լրատվական գործակալությունների ղեկավարները քննարկեցին երկկողմ համագործակցության օրակարգը:

«Նախանշել ենք առաջիկա ամեկիքները, ծրագրերը, քննարկել ենք լրատվական դաշտում միմյանց փորձը: Մենք ներկայացրեցինք սոցիալական ցանցերում ունեցած մեր փորձը, լրատվական պրոդուկտների ձեւավորման հետ կապված հարցեր եւ այլն»,- ասաց Արամ Անանյանը: Արդեն իրականացվում է տեղեկատվության փոխանակում (Շարունակությունը՝ 2-րդ էջում)

ԵՎՐԱՍԻՆՏԵՐՈՒՄ

ԳԻՐԳԻ ԿՎԻՐԻԿԱՇՎԻԼԻ. «ՎՐԱՍՏԱՆԸ ԼՐԻՎՈՒԹՅԱՐ ԿԱՏԱՐԵԼ Է ԱՅՅԵԿԱՐԳԻ ԱՉԱՏԱԿԱՆԱՅՄԱՆ ՀԱՐՅՈՎ ՍՏԱՆՁՆԱԾ ԴԱՐՏԱՎՈՐՈՒԹՅՈՒՆՆԵՐԸ»

(Սկիզբը՝ 1-ին էջում)

րությունները եւ վստահություն հայտնեց, որ մոտ ապագայում Եվրամիությունը կավարտի համապատասխան ընթացակարգերն ու Վրաստանին կշնորհի ամայցեգրային պայմանակարգ:

Գիրգի Կվիրիկաշվիլու հավաստմամբ, դրանում նշանակալի դեր կատարեցին ոչ կառավարական կազմակերպությունները,

մասնավորապես՝ «Վրաստանի Ազգային հարթակը, Արեւելյան գործընկերության քաղաքացիական հասարակության ձեւաչափ» կազմակերպությունը:

Խորհրդաժողովի շրջանակներում՝ Վրաստանի կառավարության եւ «Վրաստանի Ազգային հարթակը, Արեւելյան գործընկերության քաղաքացիական հասարակության ձեւաչափի» միջեւ ձեւակերպվեց հուշագիր:



ՎՐԱՍՏԱՆ-ՄԵԾ ԲՐԻՏԱՆԻԱ

ՔՆՆԱՐԿՈՒՄՆԵՐԻ ԳԼԽԱՎՈՐ ԹԵՄԱՆ ԵՐԿՎՈՐՄ ԶԱՄԱԳՈՐԾԱԿՑՈՒԹՅԱՆ ԽՈՐԱՑՈՒՄՆ ԷՐ



Այցի շրջանակներում՝ բրիտանացի բարձր պաշտոնյայի հետ հանդիպում ունեցան Վրաստանի նախագահ Գիրգի Մարգվելաշվիլին, վարչապետ Գիրգի Կվիրիկաշվիլին, արտաքին գործերի նախարար Սիխեիլ Ջանելիձեն:

Յանդիպումների գլխավոր թեման վրաց-բրիտանական գործընկերային հարաբերությունների զարգացման հեռանկարներն էին: Մասնավորապես, ընդգծվեց «Ուրոդրոպի երկխոսության» կարելությունն ու քաղաքական ակտիվ համագործակցության պայմաններում, առեւտրա-տնտեսական կապերի խորացումը: Նշվեց, որ Մեծ Բրիտանիան Վրաստանում իրականացվող ներդրումների գործում խոշորագույն գործընկեր է:

Նոյեմբերի 24-ին, պաշտոնական այցով Թբիլիսիում էր գտնվում Մեծ Բրիտանիայի Ամերիկայի եւ Եվրոպայի հարցերով պետնախարար Ալան Դուկանը:

Յանդիպումներում անդրադարձ կատարվեց նաեւ անվտանգության եւ պաշտպանության հարցին: Կողմերի գնահատմամբ՝ վրաց-բրիտանական համագործակցության ոլորտում նշանակալի տեղ է զբաղեցնում ճգնաժամերի կառավարման հարցը, որի ակնհայտ վկայությունը «Ազգային իրավիճակային կոմիտեներ» նախագիծն է:

ՋԱՆԴՊՈՒՄ

ՔՆՆԱՐԿՎԵՑ ԲՈՆԱՉԱՎԹՎԱԾ ՏԱՐԱԾՔՆԵՐՈՒՄ ՍՏԵՂԾՎԱԾ ԻՐԱՎԻՃԱԿԸ

Հաշտեցման եւ քաղաքացիական իրավահավասարության հարցերով պետնախարարի պաշտոնակատար Քեթեան Ցիխելաշվիլին հանդիպում ունեցավ Եվրոպայի խորհրդի քաղաքական հարցերով տնօրինության վարչության պետ Աննա Կապելոյի հետ:

Եվրախորհրդի կողմից վստահության վերականգնման նախագծերի իրականացման, բռնազավթված տարածքներում առկա իրավիճակին առնչվող հարցեր: Ինչպես նշեց Քեթեան Ցիխելաշվիլին, հակամարտության կարգավորման գործընթացում, Եվրախորհուրդը նշանակալի դեր է կատարում: Պետնախարարի



գնահատմամբ, Եվրախորհրդի կողմից նախաձեռնվող միջոցառումները նպաստում են հաշտեցման հաստատմանն ու վստահության վերականգնմանը:

ԱԶԳԱՅԻՆ ԱՆՎՏԱՆԳՈՒԹՅԱՆ ԽՈՐՀՐԴԻ ՆԻՍՏ

ԳԱՐՆԱՆԱՅԻՆ ԶՈՐԱԿՈՉԻ ՎԵՐՍԿՍՈՒՄԸ ԶՎԱՆՈՒԹՅԱՆ ԱՐԺԱՆԱՑՎ

(Սկիզբը՝ 1-ին էջում)

Ազգային անվտանգության խորհրդի նիստում քննարկվեց նաեւ Գլխավոր շտաբի պետի պաշտոնաթողման եւ գերատեսչության նոր ղեկավարի նշանակման հարցը:

գեցին զբաղեցրած պաշտոնով խորհրդի անդամ հանդիսացող պաշտոնյաները: Խորհրդի նիստին, առաջին անգամ, որպես այդ մարմնի լիարժեք անդամներ, մասնակցեցին խորհրդարանի նորընտիր նախագահ Իրակլի Կոբախիձեն եւ միջազգային կապերի խորհրդարանական կոմիտեի նախագահ Սոփո Կացարավան:

Խորհուրդը հավանություն տվեց զարմանալի գորակոչի անցկացմանը: «Խորհուրդը պաշտպանեց զարմանալի գորակոչ անցկացմանը, որը զորակոչի անցկացմանը, մի քանի շաբաթ անց, կներկայացվի այն փաստաթղթի նոր տարբերակը, որի շուրջ աշխատել ենք 2013 թվականից, ինչը կլինի այն մասին, թե ինչպես պետք է լուծվի գորակոչի հարցը՝ ելնելով երկրի պաշտպանության կառուցման տեսանկյունից»,- հայտարարեց Գիրգի Մարգվելաշվիլին:

ԼՐԱՏՎՈՒԹՅՈՒՆ

ԼՐԱՏՎԱԿԱՆ ԿԱՍՈՒՐԶ ՎՐԱՍՏԱՆԻ ԳՆԻ-Ի ԵՎ «ԱՐՄԵՆՊՐԵՄ»-Ի ՄԻՋԵՎ

(Սկիզբը՝ 1-ին էջում)

երկու երկրներում կայանալիք կարելի էր միջոցառումների վերաբերյալ: Արամ Անանյանը նշեց, որ, ոչ մեծ գործակալությունների համար, դա կարելու է, քանի որ հնարավոր չէ ամեն երկրում ներկայությունն ապահովել, հետեւաբար, նման համագործակցության շնորհիվ՝ հնարավորությունը մեծանում է: Նրա խոսքով, պայմանավորվածություն է ձեռք բերվել ակտիվացնել, մասնավորապես տնտեսական, տուրիստական ոլորտում լուսաբանման գործընթացը, մշակութային միջոցառումների անդրադարձը, որպեսզի երկու երկրների հասարակությունները միմյանց ավելի լավ ճանաչեն:

գերի շուրջ»,- հավելեց Արամ Անանյանը: ԳՆԻ լրատվական գործակալության ղեկավար, գլխավոր խմբագիր Թեյմուրազ Չուբուրիձեն, կարեւորելով տարբեր երկրների լրատվական գործակալությունների հետ համագործակցությունը, նշեց, որ այն՝ ի հայտ է բերում նոր մոտեցումներ:


«Արմենպրես» լրատվական գործակալության հետ համագործակցության մեծ ներուժ կա: Տարբեր ոլորտներում կարող ենք համատեղ աշխատել, արագ իրականացնել տեղեկատվության փոխանակում, ծանոթանալ միմյանց փորձին՝ դրանով իսկ զարգացնելով, բարելավելով մեր աշխատանքը»,- ասաց Թեյմուրազ Չուբուրիձեն:

Նրա խոսքով, արդի ժամանակաշրջանում, մեծ դեր ունեն պրոֆեսիոնալ մոտեցումներով առաջ շարժվող լրատվական գործակալությունները: Հավատարիմ լինելով պրոֆեսիոնալիզմին՝



այդ լրատվական գործակալությունները կարող են լավ օրինակ լինել մեր դաշտում:

«Այսօր մրցակցությունը շատ մեծ է: Բազմաթիվ լրատվամիջոցներ կարող են իրենց թույլ տալ՝ բախալի մակարդակով խոսակցությունը որպես տեղեկատվության իրապարակում կամ՝ հրամցնել այնպիսի հոդվածներ, որոնց վերնագրերը տարբերվում են բուն նյութերից, ինչը չեն տեսնի պրոֆեսիոնալ գործակալություններում: Վերջիններս կարող են լավ օրինակ լինել այդ հարցում»,- հավելեց Թեյմուրազ Չուբուրիձեն:



ԳԵՐՄԱՆԻԱ ԱՆԳԵԼԱ ՄԵՐԿԵԼԸ ԶՈՐՐՈՐԴ ԱՆԳԱՄ ԶՎԱՎԿՆՈՒՄ Է ԿԱՆՑԼԵՐԻ ԴԱՇՏՈՒՆ

Գերմանիայի կանցլեր Անգելա Մերկելը հայտարարել է, որ մտադիր է մասնակցել կառավարության ղեկավարի՝ 2017 թվականի ընտրություններին, նա կառաջադրվի Քրիստոնեա-դեմոկրատական եւ Քրիստոնեա-սոցիալական միության կառավարող դաշինքի կողմից:

Այսպիսով, Մերկելը պատրաստվում է Գերմանիայի նախարարների կաբինետը գլխավորելու չորրորդ անգամ անընդմեջ, նա այս պաշտոնին է 2005 թվականից:

Բունդեստագի ընտրությունները կկայանան 2017 թվականի աշնանը:

ՖՐԱՆՍԻԱ ՍԱՐԿՈՋԻՆ ԴՈՒՐՍ ՄԱՑ ՆԱԽԱԳԱՐԱԿԱՆ ՄՐՑԱՊԱՅՔԱՐԻՑ

Ֆրանսիայի նախկին վարչապետ Ֆրանսուա Ֆյոնն առաջին կարգի հարթակին է ձեռք բերել Ելիսեյան պալատի համար սկսվող պայքարում: Նոյեմբերի 20-ին նա առաջատար էր փոլսիցի (նախնական ընտրությունների) առաջին փուլում, որոնք անցկացնում է «Հանրապետականներ» աջ կենտրոնամետ կուսակցությունը՝ որոշելու համար հանրապետության նախագահի պաշտոնի իր թեկնածուին:

Յոթ կուսակցից թեկնածուներից 62-ամյա քաղաքական գործիչը հավաքել է ամենից շատ քվեները՝ 44,1 տոկոս, Բորդոյի քաղաքապետ Սեբաստյան Կլեմենտի կողմից հարցումների ֆավորիտը, ստացել է 28,3 տոկոս: Առաջին եռյակը եզրակացել է հանրապետության նախկին նախագահ Նիկոլա Սարկոզին, նա ունի քվեների 20,9 տոկոսը:

Նոր փուլում նոյեմբերի 27-ին, պայքար կմղեն սոսկ երկու մրցակիցներ: Ֆրանսուա Ֆյոննին կդիմակայի Ալեն ժյուպեն:

ԹՈՒՐԷԻԱ ԱՂԱՆԱՅԻ ԱՂԱԲԵԿՉՈՒԹՅԱՆ ԱՐԴՅՈՒՆՔՈՒՄ ԿԱՆ ԶՈՐԵՐ

Թուրքիայի Աղանայի նահանգապետարանի ավտոկայանման կետում մեքենա է պայթեցվել:

Պայթյունի հետեւանքով հրդեհվել են նաեւ հարակից մեքենաները, վնասվել է նահանգապետարանի շենքը:

Աղանայի նահանգապետ Մահմուդ Դեմիրթաշը հայտնել է, որ պայթյունը, ենթադրաբար, կնոջ կողմից է իրականացվել: Ձուկվել է երկու, վիրավորվել՝ 16 մարդ:

ԻՐԱԶ

ՆԱԽԱՊԱՏՐԱՍՏՎՈՒՄ Է ԶԱՐԶԱԿՈՒՄ ՄՈՍՈՒԼԻ ՎՐԱ

Իրաքի կառավարական ուժերը, մոտակա ժամանակներու, հարավային ուղղությամբ հարձակում կիրականացնեն Մոսուլի վրա՝ ազատագրելու այն «Իսլամական պետություն» ահաբեկչական խմբավորումից:

Նշենք, որ երկրի երկրորդ ամենախոշոր քաղաքը՝ Մոսուլը, ազատագրելու խոշորամասշտաբ ցամաքային գործողություն սկսվեց հոկտեմբերի 17-ին եւ դրան մասնակցում էին կառավարական ուժերը, քրդական ռազմական միավորումները՝ «փեշմերգաները», շիական զինված խմբերը: Օդից նրանց հարձակումներին աջակցում էր ԱՄՆ զլխավորած միջազգային կոալիցիան:

Մոսուլում, որը գրեթե առանց դիմադրության 2014 թվականի հունիսին տրվել է ԻՊժայրահեղականներին, ներկայում գտնվում է շուրջ 1,3 մլն մարդ: Նրանց, որպես գերի, պահում են «Իսլամական պետություն» խմբավորման ավելի քան 6 հազար զինյալներ: ԻՊժայրահեղականները քաղաքը համարում են Իրաքում իրենց մայրաքաղաքը:

Շարաքից շարաք. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՎՐԱՍԱՆ-ԱՄՆ

ԸՆԴՊՇՎԵՑ ԵՎՐՈՊԱԿԱՆ ԵՎ ԵՎՐԱՏԼԱՆՏՅԱՆ ԿԱՌՈՒՅՑՆԵՐԻՆ ԻՆՏԵԳՐՄԱՆ ԱԶԱԿՑՈՒԹՅՈՒՆԸ



Նոյեմբերի 21-ին, Վրաստանի նախագահ Գիորգի Մարգվելաշվիլին հանդիպում ունեցավ ԱՄՆ պետքարտուղարի օգնականի տեղակալ Բրիջիտ Բրինկի հետ:

Հանդիպմանը կողմերը քննակեցին վրաց-ամերիկյան հարաբերությունները ու դրանց


է արժանացել ինչպես ԱՄՆ հանրապետական, այնպես էլ՝ Ժողովրդավարական կուսակցությունների կողմից, ինչը նպաստել է երկու երկրների միջև համագործակցությանը:

Բրիջիտ Բրինկը կրկին ընդգծեց Վրաստանի տարածքային ամբողջականության եւ եվրոպական ու եվրատլանտյան կառույցներին ինտեգրման Վրաստանի միտման նկատմամբ ԱՄՆ պաշտպանությունը:

Հանդիպման ընդգծվեց երկու երկրների միջև ժողովրդավարության զարգացման, պաշտպանության եւ անվտանգության, առևտրի եւ էկոնոմիկայի, կրթության եւ մշակույթի, այդ թվում նաեւ, ռազմավարական համագործակցության խարտիայի շրջանակներում, հարաբերությունների զարգացման դրական դիմանկան:

զարգացման հեռանկարները:

Գիորգի Մարգվելաշվիլին եւ Բրիջիտ Բրինկը միմյանց շնորհավորեցին՝ Վրաստանում եւ ԱՄՆ-ում հաջող անցկացված ընտրությունների առթիվ: ԱՄՆ պետքարտուղարի օգնականի տեղակալը նշեց, որ Վրաստանը ավանդական աջակցության



ՀԱՄԱՅՆ ՎՐԱՍԱՆԻ ԿԱԹՈՂԻԿՈՍ-ՊԱՏՐԻԱՐԸ ՄՈՍԿՎԱՅՈՒՄ

Նոյեմբերի 20-23-ին Համայն Վրաստանի Կաթողիկոս-Պատրիարք, Սրբազնագույն եւ Երանաշնորհ Իլիա Երկրորդը եռօրյա այցով գտնվում էր Մոսկվայում, որտեղ մասնակցեց Մոսկվայի եւ Համայն Ռուսիո Կիրիլ Պատրիարքի ծննդյան 70-րդ հոբելյանական տարեդարձի հանդիսություններին:

Նոյեմբերի 23-ին Կաթողիկոս-Պատրիարքը «Գիորգոբա» տոնի առթիվ տոնական պատարագ մատուցեց Մոսկվայի Սուրբ Գիորգի վրացական եկեղեցում:

ՎԼԱԴԻՄԻՐ ՉԱԶԻԲԱԻԱՆ՝ ԶԻՆՎԱԾ ՈՒԺԵՐԻ ԳԼԽԱՎՈՐ ՇՏԱԲԻ ՆՈՐ ՊԵՏ

Վրաստանի նախագահ Գիորգի Մարգվելաշվիլին գնդապետ Վլադիմիր Չաչիբախյանի հաստատել է երկրի զինված ուժերի Գլխավոր շտաբի նոր ղեկավարի պաշտոնում: Մինչ այդ նա Վրաստանի զինված ուժերի Գլխավոր շտաբի պետի տեղակալն էր:



Գերատեսչության նախկին ղեկավար գեներալ մայոր Վախթանգ Կապանաձեի լիազորությունների ժամկետը լրացել է նոյեմբերի 22-ին: Նախօրյակին՝ Ազգային անվտանգության խորհրդի նիստում, պաշտպանության նախարարի պաշտոնակատար Լեւոն Իզորիան Վլադիմիր Չաչիբախյանի թեկնածությունը ներկայացրել էր Գլխավոր շտաբի ղեկավարի պաշտոնի համար:

Ինչ վերաբերում է Գլխավոր շտաբի նախկին պետ Վախթանգ Կապանաձեին, ապա, նա ծառայությունը կշարունակի՝ որպես ՆԱՏՕ-ում Վրաստանի գլխավոր զինվորական ներկայացուցիչ:

ՊԵՏՐՅՈՒՋԵԻ ՆԱԽԱԳԻԾԸ՝ ԽՈՐՀՐԴԱՐԱՆՈՒՄ

Նոյեմբերի 21-ին, Վրաստանի կառավարությունը երկրի օրենսդիր մարմնի քննարկմանը ներկայացրեց 2017 թվականի պետբյուջեի վերամշակված նախագիծը:

Ինչպես բյուրոյի նիստում հայտարարեց խորհրդարանի նախագահ Իրակլի Կոբախիձեն, բյուջեի նախագծի հետ միասին խորհրդարանին ներկայացվել է նաեւ ընթացիկ տարվա անցած ինը ամիսներին պետբյուջեի կատարման մասին Ազգային բանկի հաշվետվությունը:

Օրենսդրության համաձայն, Վրաստանի խորհրդարանը նոր բյուջեն պետք է հաստատի մինչեւ դեկտեմբերի երրորդ ուրբաթ օրը:

ՏԱՐԱԴՐԱՄԻ ՓՈԽԱՆԱԿՄԱՆ ԿՈՒՐՍԸ (25 ՆՈՅԵՄԲԵՐԻ)

Ազգային բանկի կողմից սահմանվել է տարադրամի հետեւյալ կուրսը.

ԱՄՆ դոլարի եւ լարիի հարաբերակցությունը. առքը - 2,46, վաճառքը - 2,53, եվրո-լարի՝ առքը - 2,58, վաճառքը - 2,71, ռուսական ռուբլի - լարի՝ առքը 0,0348, վաճառքը - 0,0408, դրամ-լարի՝ առքը - 0,0035, վաճառքը - 0,0052:

ԿԸՂ

ԸՆՏՐԱԿԱՆ ՎԱՐՉԱԿԱԶՄԸ ՆԵՐԿԱՅԱՐԵՆՆԵՐԻ ԶԵՏ ՏԱՐՎՈՂ ԱՇԽԱՏԱՆՔԻ ՀԱՆՎԵՏՎՈՒԹՅՈՒՆԸ

Վրաստանի Կենտրոնական ընտրական հանձնաժողովում կայացավ ազգային փոքրամասնության հարցերով գործող խմբի եւ ժողովրդական պաշտպանի աշխատակազմին առընթեր Ազգային փոքրամասնությունների խորհրդի անդամների հանդիպումը:

Հանդիպումը բացեց ԿԸՂ նախագահ Թամար ժվանիան: Նա խոսեց 2016 թվականի խորհրդարանական ընտրություններին, ընտրական վարչակազմի կողմից, ազգային փոքրամասնությունների հարցերով իրականացրած գործունեության մասին. «Գտնում եմ, որ ազգային փոքրամասնությունների հարցերով աշխատանքի ուղղությամբ բավականին առաջադիմել ենք: Մեզ հետաքրքրում է, թե ինչ հիմնախնդիրներ են տեսնում գործընթացին ներգրավված կողմերը, ոչ կառավարական հատվածը, լրատվամիջոցները: Կարևոր նշանակություն ունի նրանց կարծիքը՝ 2017 թվականի գործունեության ծրագրման տեսանկյունից: Գերադասելի է՝ նախօրոք, կոնկրետ ազգային կտրվածքով, կանխագծել բոլոր այն գործողու-

թյունները, որը մենք պարտադիր իրականացնելու ենք 2017 թվականի ընտրությունների համար», - հայտարարեց Թամար ժվանիան:


Հանդիպման մասնակցները խոսեցին Վրաստանի խորհրդարանի 2016 թվականի հոկտեմբերի 8-ի ընտրություններին, ազգային փոքրամասնությունների ներկայացուցիչ ընտրողների կողմից քվեարկության մասնակցությանը զրանցված առաջընթացի մասին: Աշխատանքային խմբի ղեկավար, ԿԸՂ-ի համակարգման, ծրագրման եւ հաշվետվության ղեկավարտանտի պետը խմբի անդամներից ներկայացրեց 2017 թվականի գործունեության ծրագրի նախագծով նախատեսված առաջիկա ծրագրերը: Հանդիպման մասնակցներ, մասնավորապես «Վրաստան» թերթի



խմբագիր Վան Բայբուրթյանը, «Բազմազգ Վրաստան» համաքաղաքացիական շարժման ղեկավար Աննուլո Ստեփանյանն իրենց դիտողությունները ներկայացրին ԿԸՂ-ի ներկայացուցիչներին:

Հատկանշական է, որ, ընտրական միջավայրի բարելավման նպատակով ընտրական վաչակազմի նախաձեռնությամբ ազգային փոքրամասնությունների հարցերով հանդիպումները, պարբերաբար անց են կացվում:

ՄԻՍՈՆ ԿԻԼԱԶԵ



ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՍԱՐՄԱՆԱՓՈՒՄՆԵՐ «ՍԱՐՓԻ» ԱՆՑԱԿԵՏՈՒՄ

Նոյեմբերի 28-ից, Վրաստան-Թուրքիա սահմանային «Սարփի» անցակետում վերանորոգման աշխատանքների իրականացման կապակցությամբ, Վրաստանի ֆինանսների նախարարության եկամուտների ծառայությունը հանդես է եկել հատուկ հայտարարությամբ:

Հայտարարության մեջ նշված է, որ, «Սարփի» սահմանային անցակետում վերականգնման աշխատանքների իրականացման կապակցությամբ, երկու երկրների միջև երթևեկությունը մաքսային ընթացակարգերը կիրականացնեն սահմա-

նափակ աշխատակարգով: Սասնավորապես, մինչև շինարարական աշխատանքների ավարտը ուղեւորներին, մարդատար եւ բեռնատար ավտոմեքենաներին, ավտոբուսներին կսպասարկեն միայն երկու կետերը՝ մեկական՝ մուտք գործող եւ դուրս

եկող ավտոմեքենաների ու ուղեւորների համար:

Եկամուտների ծառայությունը դիմում է խնդրանքով՝ հաշվի առնել ստեղծված իրավիճակը՝ կամ օգտվել Վրաստան-Թուրքիա սահմանային «Կարծախի» կամ «Վալե» անցակետերից եւ՝ կանխել պարտադիր սահմանափակումների կապակցությամբ ծագող հիմնախնդիրները:

ԴԻՒԱ ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ԲԱՐԵՓՈԽՈՒՄՆԵՐԻ ԱՐԴՅՈՒՆՔՆԵՐԸ ՆԵՐԿԱՅԱՑՎԵՑԻՆ ԲԵԼՈՒՈՒՄ ԼՐԱԳՐՈՂՆԵՐԻՆ



Նոյեմբերի 24-ին Վրաստանի ֆինանսների նախարարության եկամուտների նախարարությունում իրականացված արդյունավետ բարեփոխումների, ինչպես նաեւ մատուցվող ծառայությունների բարելավման ու ընդլայնման, տնտեսական գոտիների յուրահատկության ու ոլորտում ներդրված նորամուծությունների արդյունքում ձեռք բերած փորձի մասնորոնումը նպատակով եկամուտների ծառայություն այցելեցին Բելոռուսի լրագրողների մի խումբ:

Լրագրողները առանձնակի հետաքրքրվեցին Համաշխարհային բանկի՝ Doing Business հաշվետվությունում Վրաստանի վարկանիշի բելավմամբ եւ սպառիչ տեղեկատվություն ստացան վարկանիշի բարելավման գործում եկամուտների ծառայության ներդրած ավանդի վերաբերյալ:

Բարեկամ երկրի լրատվամիջոցների ներկայացուցիչներին հյուրընկալեց եկամուտների օառայության պետի տեղակալ Վախթանգ Լաշքարաձեն:

ԳՈՐԾԱԴԻՐ

ԿԱՌԱՎԱՐՈՒԹՅԱՆ ՆՈՐ ԿԱԶՄՆ ՈՒ ԳՈՐԾՈՒՆԵՈՒԹՅԱՆ ԾՐԱԳԻՐԸ ՆԵՐԿԱՅԱՑՎԵՑ ԽՈՐՀՐԴԱՐԱՆԻ ՀԱՍՏԱՏՄԱՆ

(Սկիզբը՝ 1-ին էջում)

գութան մակարդակի պահպանումն ու ուժեղացումն է, միաժամանակ՝ տնտեսական արագ աճի պահովումը: Հենց այդ նպատակներին հասնելու համար էլ՝ մշակվել էր բարեփոխումների 4 կետից բաղկացած ծրագիրը եւ դրա արդյունավետ իրականացման համար խորհրդարանի հաստատմանը ներկայացվել կառավարության նորացված կազմը»,- հայտարարեց Գիորգի Կվիրիկաշվիլին:

Վարչապետի թեկնածուի առաջարկմամբ, կառավարության նոր կազմում, նախկին կաբինետի անդամների մշտական մասը պահպանել է իր դիրքերը: Փոփոխություններն առնչվել են հիմնականում տնտեսական բլոկի գերատեսչություններին: Մասնավորապես, ֆինանսների նախարարի պաշտոնում Նոդար Խաղոպուրյան փոխարինել է Էկոնոմիկայի նախկին նախարար Դմիտրի Քունսիշվիլին: Նա միաժամանակ կզբաղեցնի նաև առաջին փոխվարչապետի պաշտոնը:

Դմիտրի Քունսիշվիլու փոխարեն, էկոնոմիկայի նախարարությունը կգլխավորի, մինչ այդ երկրի բիզնես-օմբուդսմենի պաշտոնը զբաղեցնող, Գիորգի Գախարիան:

Տարածաշրջանային զարգացման եւ ենթակառուցվածքի նախարարի պաշտոնում, Նոդար Ջավախիշվիլու փոխարեն, առաջարկվել է Զուրաբ Ալավիժեի թեկնածությունը:

ԱՄՆ-ում Վրաստանի արտակարգ եւ լիազոր դեսպան մշտական Դավիթ Բաքրաձեի փոխարեն, Եվրոպայի եւ Եվրատլանտյան կառույցներին ինտեգրման հարցերով պետնախարարի պաշտոնում, ներկայացվել է «Ազատ ժողովրդավարներ» կուսակցության նախկին անդամ Վիկտոր Դոլիժեն:

Կառավարության նախկին կազմի մյուս նախարարները պահպանել են իրենց պաշտոնները: Մասնավորապես, Կախի Կալաձեն նորից ներկայացվել է որպես Էներգետիկայի նախարար եւ փոխվարչապետ, Դավիթ Սերգենցուն՝ Աշխատանքի, առողջապահության եւ սոցիալական պաշտպանության նախարար, Թեա Շուկուկիանին՝ Արդարադատության նախարար, Լեւոն Իգորիան՝ Պաշտպանության նախարար, Միխեիլ Ջանելիժեն՝ Արտաքին գործերի նախարար, Ալեքսանդր Ջեջելավան՝ Կրթության եւ գիտության նախարար, Տարիել Խեչիկաշվիլին՝ Սպորտի եւ երիտասարդության հարցերով նախարար, Գիորգի Մոլեբրիշվիլին՝ Ներքին գործերի նախարար, Սուզար Սուլբարին՝ Փախստականների եւ վերաբնակեցվածների հարցերով պետնախարար, Քեթևան Ցիխելաշվիլին՝ Հասցեցրման

եւ քաղաքացիական իրավահասավարության պետնախարար, Միխեիլ Գիորգաձեն՝ Մշակույթի, հուշարձանների պաշտպանության նախարար, Լեւոն Դավիթաշվիլին՝ Գյուղատնտեսության նախարար, Կախա Կախիաշվիլին՝ Պատիժների կատարման եւ պրոբացիայի նախարար, Գիզա Աուլաշվիլին՝ Բնապահպանության եւ բնական ռեսուրսների նախարար:

Կառավարության կազմում իրականացվում է նաև կառուցվածքային փոփոխություն: Մասնավորապես, վերացվում է Սփյուռքի նախարարությունը: Այն, դեպարտամենտի կարգավիճակով, ներառվելու է արտաքին գործերի նախարարության համակարգում:

Վարչապետի թեկնածու Գիորգի Կվիրիկաշվիլին խորհրդարանին արդեն ներկայացրել է կառավարության անդամների թեկնածուների ցուցակը եւ ծրագիրը:

Վրաստանի կառավարության նոր կազմին վստահություն հայտնելու հարցի շուրջ, քվեարկությունը խորհրդարանում կանցկացվի այսօր՝ նոյեմբերի 26-ին:

Պատգամավորները, նախարարների պաշտոնի թեկնածուների հետ կոմիտեական լսումների ձեւաչափով, հանդիպումներ սկսեցին նոյեմբերի 24-ից: Նոյեմբերի 25-ից նախարարների թեկնածուները հանդես եկան խմբակցությունների առջև, իսկ նոյեմբերի 26-ին կանցկացվի խորհրդարանի արտահերթ նիստ, որում պատգամավորները պետք է քվեարկեն կառավարության նոր կազմը:

Կառավարության նոր կազմը եւ գործունեության ծրագիրը ներկայացնելուց հետո, խորհրդարանական ընդդիմությունում հայտարարեցին, որ չեն պաշտպանի նախարարների կաբինետի նոր կազմը: «Չորս տարվա ընթացքում այդ մարդիկ չկարողացան հասնել դրական արդյունքների, չկարողացան երկիրն առաջ տանել, եւ չկարողացան կատարել այն խոստումները, որոնք բնակչությունն սպասում էր 2012 թվականի ընտրություններից հետո: Ուստի, ոչ մի հիմք չկա ենթադրելու, որ 2016 թվականից հետո ինչ-որ բան կփոխվի»,- ասաց խորհրդարանական փոքրամասնության ղեկավար Դավիթ Բաքրաձեն:

Նշենք, որ կրկին վարչապետի թեկնածու առաջարկված Գիորգի Կվիրիկաշվիլին այդ պաշտոնը զբաղեցնում է 2015 թվականի դեկտեմբերի 29-ից: Նոյեմբերի 18-ին, լինելով գումարման խորհրդարանի ինչպես փոքրամասնության ճանաչումից հետո, վարչապետ Գիորգի Կվիրիկաշվիլու գլխավորությամբ, կառավարությունը լիազորությունները վայր դրեց:

ԽՈՐՀՐԴԱՐԱՆ

ՕՐԵՆՍԴԻՐ ՄԱՐՄՆԻ ՂԵԿԱՎԱՐ ԿԱԶՄԻ ԶԵՎԱՎՈՐՈՒՄ ԱՎԱՐՏՎԵՑ

(Սկիզբը՝ 1-ին էջում)

րանի նախագահ ընտրեցին «Վրացական երազանքի» ներկայացուցիչ Իրակլի Կոբախիձեն: Խորհրդարանի նախագահի առաջին տեղակալ ընտրվեց Թամար Չուգոշվիլին, տեղակալներ մեծամասնությունից՝ Զվիադ Զիծիգուրին, Գիորգի Վուլսկին, Իլիա Նակաշիձեն, փոքրամասնությունից՝ Սերգի Կապանաձեն եւ Իրմա Ինաշվիլին:

Խորհրդարանի նոյեմբերի 18-ի լիազումար նիստում պատգամավորները Ազրարային կոմիտեի նախագահ ընտրեցին գյուղատնտեսության նախկին նախարար Օթար Դանելիային, Մարդու իրավունքների պաշտպանության եւ քաղաքացիական ինտեգրման կոմիտեի նախագահ ՆԳՆ ակադեմիայի նախկին պրոռեկտոր Սուփո Կիլաձեն, Կրթության, գիտության եւ մշակույթի կոմիտեի նախագահ՝



Կախի Կալաձեի փոխարեն, Վրաստանի համերաշխության հիմնադրամի նախկին գործադիր տնօրեն Մարիամ Ջաշիին, Բնապահպանության եւ բնական ռեսուրսների կոմիտեի նախագահ՝ Կախա Կուլաշվիլին, Ճյուղային էկոնոմիկայի եւ տնտեսական քաղաքականության կոմիտեի նախագահ՝ Եվրոպական եւ Եվրատլանտյան ինտեգրման հարցերով պետնախարարի աշխատակազմի նախկին աշխատակից Ռոման Կակուլիային, Սփյուռքի եւ Կովկասի հարցերով կոմիտեի նախագահ՝ ութերորդ գումարման խորհրդարանի Արտաքին կապերի կոմիտեի նախագահի առաջին տեղակալ Զվիադ Կվաճանտիաձեն, Եվրահիմնադրման կոմիտեի նախագահ՝ Պատիժների կատարման եւ պրոբացիայի նախկին առաջին փոխնախարար Թամարա Խուլոդաշվիլին, Պաշտպանության եւ անվտանգության կոմիտեի նախագահ՝ նախորդ գումարման խորհրդարանի նույն կոմիտեի ղեկավար Իրակլի Սեսիաշվիլուն, Իրավաբանական հարցերով կոմիտեի նախագահ՝

գահ՝ նախորդ գումարման խորհրդարանի Մարդու իրավունքների պաշտպանության կոմիտեի նախագահ Էկա Բեսելիային, Տարածաշրջանային քաղաքականության եւ ինքնակառավարման կոմիտեի նախագահ՝ Թբիլիսիի նախկին փոխքաղաքապետ Գիորգի Լիլուաշվիլուն, Արտաքին կապերի կոմիտեի նախագահ՝ Վրաստանում Մեծ Բրիտանիայի դեսպանության նախկին քաղաքական քարտուղար Սուփո Կացարաշվիլին, Արարողակարգային հարցերով կոմիտեի նախագահ Նորից դարձավ Գիորգի Կախիանուն, Ֆինանսա-բյուջետային հարցերով կոմիտեի նախագահ՝ Վրաստանի Գործընկերային հիմնադրամի նախկին ղեկավար Իրակլի Կովաճանաձեն, Սպորտի եւ երիտասարդության հարցերով կոմիտեի նախագահ՝ նախկին ֆուտբոլիստ Միխեիլ Դավելաշվիլուն, Առողջապահության եւ տնտեսական հարցերով կոմիտեի նախագահ՝ առողջապահության հարցերով փորձագետ Ակակի Զոհիձեն:

Իններորդ գումարման խորհրդարանում, 116 պատգամավորով ձեւավորվեց խորհրդարանական մեծամասնությունը, եւ 26-ով՝ փոքրամասնությունը: Նաև ձեւավորվեցին հինգ խմբակցություններ: «Վրացական երազանք» խմբակցությունը կազմված է 110 անդամից, եւ այն գլխավորում է Մամուկա Մոխիարաձեն, «Վրացական երազանք-Արդյունաբերողներ» խմբակցության կազմում 6 պատգամավոր է: Այն գլխավորում է Սիմոն Նոգաձեն: 20 պատգամավոր միավորվեց «Ազգային շարժում» խմբակցությունում, որը գլխավորում է Նիկո Մելիան, իսկ «Ազգային շարժում-Վրաստանի առաջընթացի համար» 6 պատգամավորից կազմված խմբակցությունը գլխավորում է Էլեն Խոշտարիան:

ՄՐՑՈՒՄ

Advertisement for TBC (Tbilisi Business Center) featuring logos and text in Georgian: «ՆՈՒՅՆ ԴՆՅՈՒՄՈՎՈՅ» 2016, «ՅՈՒՆԻՍԵՓ» 2016, «ՅՈՒՆԵՍԿՈ» 2016, «ՅՈՒՆԵՍԿՈ» 2016, «ՅՈՒՆԵՍԿՈ» 2016.

ՀԱՅՏՆԻ ԵՆ «ԲԻԶՆԵՍ-ՊԱՐԳԵՎԱՏՐՈՒՄՆԵՐ-2016»- Ի ՀԱՂԹՈՂՆԵՐԸ

Հայտնի դարձան TBC բանկի եւ «Ջեոսելի» համատեղ «Բիզնես-պարգեւատրումներ-2016» նախագծի հաղթողները: Ըստ անվանակարգերի, հաղթողներ դարձան հետևյալները. \* White Studio - տարվա փոքր բիզնես, \* Կենսաքիմֆարմա - տարվա նորարարական բիզնես, \* Բարբաբեթսան - տարվա զբոսաշրջության բիզնես, \* Բադագի - տարվա վրացական արտադրանք, \* Bpc - տարվա ագրոբիզնես, \* Կինգս Վրաստան - ժողովրդի ընտրյալ, \* Ջեթա Կենսիկո - տարվա բիզնես: Պարգեւատրման արարողությունը կայացավ Թբիլիսիի պատմության թանգարանում: Արարողությանը ներկա էին նախագծի բոլոր մասնակիցները, կառավարության եւ գործարար շրջանների ներկայացուցիչները:

«Բիզնես-պարգեւատրումներ-2016»-ը TBC բանկի եւ «Ջեոսելի» համատեղ նախագիծն էր, որի նպատակը երկրում գործարարության վարման ժողովրդականացումն էր, փոքր եւ միջին բիզնեսի աջակցումն ու սկսնակ գործարարների խրախուսումը, այն հաշվով, որ նրանք կարողանան օգտագործել երկրի հնարավորությունները եւ՝ իրականացնել իրենց գործարարությունը: Նախագիծը, որը մեկնարկեց հունիսի 20-ին, անցկացվեց մի քանի փուլերով: Առաջին փուլում ընկերությունները գրանցվեցին բիզնես-կառավարման անվանակարգում: Ընդհանուր առմամբ, այդ անվանակարգում գրանցում անցավ 523 ընկերություն: Այս, որակյալ փորձագետներից կազմված անկախ հանձնաժողովը քննարկեց հայտերն ու յուրաքանչյուր անվանա-

կարգի համար առանձնացրեց երեքական ընկերություններ: Միայն «ժողովրդի ընտրյալ» անվանակարգում մասնակից ընկերությունները ներգրավվեցին օնլայն քվեարկության մարաթոնին: TBC բանկն ու «Ջեոսելի» իրենց հնարավորություններով աջակցում էին ընկերություններին՝ ժողովրդականացման եւ մարկետինգային ակտիվությունների իրականացման հարցում: Արդյունքում, սոցիալական ցանցի միջոցով «Բիզնես-պարգեւատրումների» նախագծի վերաբերյալ, տեղեկացավ շուրջ մեկ միլիոն մարդ, եւս 90 հազար մարդ տեղեկատվություն ստացավ «Ընկալի» հաջողությունը» նախագծի վերաբերյալ: Լրատվամիջոցներում, վերոնշյալ նախագծի ու մասնակիցների վերաբերյալ, պատրաստվեցին ավելի քան 200 հոդվածներ ու ռեպորտաժներ: Պարգեւատրման գլխավոր նպատակը հենց այդ ճանաչողա-



կան գործընթացի իրականացումն ու բիզնեսի կառավարման ընկալումն էր: «Բիզնես-պարգեւատրումներ» կիրականացվեց նաև հաջորդ տարի եւ նախագծում հետաքրքիր շատ նորանվտույուններ կլինեն: ԱՐԵՎԻԿԱ ՍՆՈՒԿՅԱՆ